

Andrew's Sang

Dis toon!
Min, hit's changed.
Used ta be du kent aabody -
Noo?
Boy, der uncan
Aa o dim
An it used ta be clean
I mean
Hit wis wirt da ticket
Fur a tourist.
Noo?
Hit's hopless
Canna see da waas
Fur graffiti
An bairns
An da sides o vans
An posters
an hellery -
Noo?
Min, I widna bide here
If du paid me.
Wance a mont
Fur da errands
At da Co-op
Mebbe a bet
On da horses
an a pint
Bit dat's hit.
Noo?
Boy, I'd redder be sooth
Or awa
Laek me bridder John.
He's in Australia
Du kens.

Alex Cluness

Wirds:

| | |
|----------------|---------------------------------|
| hellery | rubbish |
| Min | man |
| uncan | strange i.e. we don't know them |